

**ԵՐԵՎԱՆԻ ԱՎԱԳԱՆՈՒ
ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ
ՊԱՐՈՆ Ա. ՂԱԼԵՉՅԱՆԻՆ**

Հարգելի պարոն Ղալեչյան.

Ի պատասխան Ձեր **08.02.2019**թ. **հ.01/100** գրության՝ տեղեկացվում է, որ Հաղթանակ թաղամասը նախկինում սպասարկող ավտոբուսային **հ.56** երթուղու շահագործման ցածր արդյունավետության պատճառով երթուղին սպասարկող կազմակերպությունը հրաժարվել է երթուղու սպասարկումից և Երևանի քաղաքապետի **28.12.2018**թ. **հ.3818**-Ա որոշմամբ դադարեցվել է դրա աշխատանքը:

Ավտոբուսային **հ.56** երթուղու աշխատանքի դադարեցումից հետո, քննարկվել և փորձարկվել են մի քանի տարբերակներ՝ թաղամասի տրանսպորտային սպասարկումը կազմակերպելու համար և, ելնելով առկա ուղևորահոսքից, որպես հնարավոր տարբերակ, նպատակահարմար է համարվել թաղամասն սպասարկող միկրոավտոբուսային **հ.23** երթուղու ուղեգիծը երկարացնելու մինչև Կաթի կոմբինատ և ավելացնելու շարժակազմի քանակը:

Տեղեկացվում է նաև, որ վերջին օրերին պարբերաբար ուսումնասիրվել է երթուղու սպասարկման վիճակը: Ուսումնասիրությունից պարզվել է, որ երթուղին առավոտյան ժամերին սպասարկվել է **16** միավոր շարժակազմով՝ միջինը **7-8** ռոպե շարժման միջակայքերով, իսկ երեկոյան ժամը **18⁰⁰**-ից **20⁰⁰**-ի սահմաններում, **10** միավոր շարժակազմով՝ միջինը **11-12** ռոպե շարժման միջակայքերով: Բացի այդ, պարզվել է նաև, որ օրվա ծանրաբեռնված ժամերին փաստացի ուղևորահոսքը մեծ է և, ելնելով Հաղթանակ թաղամասի բնակիչների տրանսպորտային սպասարկման վիճակի բարելավման անհրաժեշտությունից, հանձնարարվել է միկրոավտոբուսային **հ.23** երթուղին սպասարկող ընկերությանը՝ հնարավորինս ավելացնելու ծանրաբեռնված ժամերին գիծ դուրս բերվող շարժակազմի քանակը և կանոնավորել երթուղու աշխատանքը, մասնավորապես՝ երեկոյան ժամերին:

Միաժամանակ տեղեկացվում է, որ միկրոավտոբուսային **հ.23** երթուղու աշխատանքը վերցված է հսկողության տակ և առաջին իսկ հնարավորության դեպքում կքննարկվի Հաղթանակ թաղամասում ևս մեկ երթուղու շահագործման հարցը:

ԵՐԵՎԱՆԻ ՔԱՂԱՔԱՊԵՏԱՐԱՆ